

O b r a z l o ž e n j e

Dana, 31.07.2013. godine Rašid Malićbegović podnio je Službi za graditeljstvo i prostorno uređenje kao organu nadležnom za imovinsko-pravne poslove zahtjev broj:03-23-8-1518/2003 za reviziju prekinutog prava korištenja građevnog zemljišta korištenog prije 6. travnja 1992. godine.

U zahtjevu navodi da je imao pravo korištenja na neizgrađenom građevnom zemljištu društvene svojine u ulici Omladinskih brigada (Omladinsko naselje) sada ulica Zagrebačka u Žepču, na parceli označenoj sa k.č. broj 213/2 zvana „Bara“, njiva 3 klase u površini od 536 m², upisano u posjedovni list broj 251 K.O. Žepče-grad. Predložio je kao dokaz rješenje broj:01-023-465/89 od 16.11.1989. godine doneseno od strane Skupštine opštine Žepče kojim mu je dodijeljeno predmetno građevno zemljište na korištenje, rješenje Osnovnog suda u Zavidovićima broj: DN. 1874/89 od 22.12.1989. godine, Izvadak iz posjedovnog lista broj: 09-952-1-351/98 od 24.07.1998. godine, Izvadak iz posjedovnog lista broj: 03-30-1-1348/03 od 23.07.2003. godine, Kopiju katastarskog plana, rješenje o urbanističkoj suglasnosti UP-I- broj:02-364-232/89 od 25.12.1989. godine doneseno od strane Opštinskog sekretarijata za opštinsku upravu Žepče, te rješenje o plaćanju troškova pripremanja i uređenja građevinskog zemljišta broj: K-1/90 od 04.01.1990. godine, doneseno od strane Osnovne zajednice komunalnih djelatnosti Žepče.

U dokaznom postupku nadležna općinska služba je izvela slijedeće dokaze: izvršila uvid u Rješenje broj: 01-023-465/89 od 16.11.1989. godine, Rješenje o stjecanju prava korištenja na nekretnini broj: DN. 1874/89 od 22.12.1989. godine, Rješenje o urbanističkoj saglasnosti UP-I-broj: 02-364-232/89 od 25.12.1989. godine, Rješenje o plaćanju troškova pripremanja i uređenja građevinskog zemljišta broj: K-1/90 od 04.01.1990. godine, Izvadak iz p.l.od 24.07.1998. godine, Izvadak iz p.l. od 23.07.2003. godine, Kopiju katastarskog plana od 23.07.2003. godine, Rješenje o gubitku prava korištenja zemljišta radi građenja broj:04-475-541/95 od 14.08.1995. godine i Izjavu Rašida Malićbegović danu na zapisnik kod Službe za graditeljstvo i prostorno uređenje dana 01.10.2003. godine.

Nakon savjesne i brižljive ocjene svakog dokaza posebno i svih dokaza zajedno, kao i na osnovu rezultata cjelokupnog postupka, općinski organ nadležan za imovinsko-pravne poslove je utvrdio slijedeće činjenično stanje:

Podnositelj zahtjeva Rašid (Numan) Malićbegović iz Žepče je bio nositelj prava korištenja na predmetnom građevnom zemljištu na dan 06.travnja 1992. godine. Ova, nesporna činjenica, je utvrđena na temelju rješenja broj: 01-023-465/89 od 16.11.1989. godine kojim je od strane Skupštine opštine Žepče a na sjednicama Vijeća udruženog rada i Vijeća mjesnih zajednica podnositelju zahtjeva dodijeljeno na korištenje neizgrađeno građevno zemljište društvene svojine površine 536 m² po cijeni od 55.500,00 tadašnjih JU dinara, u ulici „Omladinskih brigada“ sada ulica „Zagrebačka“ u Žepču.

Rješenje broj: DN. 1874/89 od 22.12.1989. godine kojim se od strane Osnovnog suda u Zavidovićima dozvoljava polaganje isprava radi stjecanja prava korištenja na predmetnim nekretninama u korist podnositelja zahtjeva kao i Izvadak iz p.l. od 24.07.1998. godine izdat od strane Odjela opće uprave, geodetskih i imovinsko-pravnih poslova općine Žepče kojim je kao korisnik predmetnog zemljišta određen Rašid (Numan) Malićbegović sa dijelom posjeda 171 su dodatni dokazi koji potvrđuju utvrđeno navedeno činjenično stanje.

Odredbom članka 87. stavak 3. Zakona o građevnom zemljištu FBiH decidno je propisano da fizičke osobe ili njihovi zakonski nasljednici, koja su imala pravo korištenja na građevnom zemljištu, i koja su to pravo koristila na dan ili prije 06. travnja 1992. godine za stambene, poljoprivredne ili poslovne svrhe, a čije je pravo korištenja prestalo bez njihove suglasnosti između 06. travnja 1992. godine i dana stupanja na snagu ovog zakona, mogu kod općinskog organa uprave nadležnog za imovinsko-pravne poslove podnijeti zahtjev za reviziju u roku od 2 godine od stupanja na snagu ovog zakona. Člankom 90. stavak 3. istog zakona određeno je da se podnositeljem zahtjeva koji nije pristao na prestanak tog prava, će se smatrati svaki podnositelj zahtjeva koji nije primio naknadu sukladno Zakonu o izvlaštenju.

Imajući u vidu da je podnositelj zahtjeva od Opštinskog sekretarijata za opštinsku upravu dobio rješenje o urbanističkoj saglasnosti za lokaciju stambeno-poslovne zgrade tipa P+1+M, kao i da je podnio zahtjev za izdavanje odobrenja za građenje u roku određenom zakonom sa priloženim projektom izrađenim od strane RO „Prostor“ Zenica broj 699/89, te po izjavi same stranke na predmetnoj lokaciji imao i pripremljen sav građevni materijal za izgradnju objekta, to je očito da je imenovani predmetno zemljište koristio za stambeno-poslovne svrhe.

Člankom 89. navedenog zakona je nadalje propisano da ukoliko nadležni općinski organ uprave u postupku revizije utvrdi da je podnositelj zahtjeva na dan ili prije 06. travnja 1992. godine koristio predmetno zemljište u stambene, poljoprivredne ili poslovne svrhe, i da mu je pravo korištenja prekinuto između 06. travnja 1992. godine i dana stupanja na snagu ovog zakona, bez njegove suglasnosti općina će vratiti pravo korištenja na ranije dodijeljenom zemljištu ili osigurati naknadu.

Obzirom da je pravo korištenja podnositelja prekinuto dana 14.08.1995. godine po osnovu rješenja Odjela opće uprave, geodetskih i imovinsko-pravnih poslova općine Žepče, a podnositelj nije primio naknadu u skladu sa Zakonom o izvlaštenju, odnosno bez njegove suglasnosti to je općina dužna osigurati naknadu podnositelju zahtjeva.

K A Z A L O

- Odluke o utvrđivanju prosječne konačne građevinske cijene m² korisne stambene površine na području općine Žepče
- Odluka o pristupanju parcijalnoj izmjeni Regulacionog plana grada Žepče po zahtjevu Općina Žepče
- Odluka o pristupanju parcijalnoj izmjeni Regulacionog plana grada Žepče po zahtjevu Općina Žepče
- Odluka o usvajanju parcijalne izmjene Regulacionog plana grada Žepče po zahtjevu Bruno Jozinović
- Odluka o usvajanju parcijalne izmjene Regulacionog plana grada Žepče po zahtjevu Zdravke Jovičić
- Odluka o usvajanju parcijalne izmjene Regulacionog plana grada Žepče po zahtjevu "Silo Pavlović" d.o.o. Žepče
- Rješenje za reviziju prekinutog prava korištenja građevinskog zemljišta po zahtjevu Malićbegović Rašida
- Zaključak-broj:01-02-29/19
- Zaključak-broj:01-08-30/19
- Zaključak-broj:01-44-31/19
- Zaključak-broj:01-02-32/19
- Zaključak-broj:01-02-33/19
- Zaključak-broj:01-02-34/19
- Zaključak-broj:01-02-35/19
- Zaključak-broj:01-02-36/19